

Ataatsimiinnermi oqaluuserisassat:

Imm. 01 Oqaluuserisassaq ataasiinnaavoq, Nasiffik Festivalip qinnuteqaataa kiisalu sapinngisamik innutaasut amerlanerpaat anguneqarnissaat anguniarlugu toqqaannartumik you tube aqqutigalugu saqqummiinerup aallakaatinnessaanut aalajangiinissaq.

Qinnuteqaat Nasiffik Festivalimit, Najukkami ataatsimiititaliamut nassiunneqartoq ulloq ataasinngorneq 22-05-2023 ullaap-tungaani nalunaaqutaq 10.15 mail aqqutigalugu nassiunneqartup isummerfigineqarnissaa pillugu najukkami ataatsimiititaliami ilaasortat marluusut tassaasut: Hanne Heilmann (Siulittaasoq) kiisalu Hanne Heilmann ilaasortaq qinnuteqaatigineqartumut aalajangiigassaq isummorsorfigaat.

Siullertut innuttaasunut saqqummiisussap Ilisimatuup Professorip Karla Jessen williamsonip aqqissuunnissaanut Maniitsumi sunngiffimmi pisortamut qinnuteqaatigineqarpoq, najukkamilu ataatsimiititaliamut qinnuteqaatigineqartoq innersuunneqarluni.

Qinnuteqaatigineqartoq innuttaasunut soqutiginaateqarnera pissutigalugu saqqummiinissap iluatinnaateqarnera pillugu najukkami ataatsimiititaliamit qinnuteqaat akuersissutigineqarpoq. Ilanngullugulu eqqaaneqarluni innuttaasut amerlanerpaat anguneqassappata innuttaasuniillu saaffiginnissutigineqarnera pissutigalugu toqqaannartumik (livestream) atorlugu malinnaavigineqarnissaa pisariaqartinneqartoq naliliinerminni eqqaaneqarluni, ilaatigut utoqqaat illui nunaqarfinniillu malinnaatinneqarsinnaanissaat pisariaqartinneqartoq ataatsimiinnermi oqaatigineqarluni.

Toqqaannartumik youtube atorlugu saqqummiinissamut suliaqarsinnaasoq Johannes Egede Fly oqarasuaatikkut attavigineqarpoq, periarfissaasinnaasut paasiniarlugit. Johannes Egede Flyp toqqaannartumik aallakaatinneqarnissaanut periarfissaqartoq oqaatigaa, atortorissaarutillu tamaasa nammineq pigereerlugit oqaatigalugu. Taamaallaalli oqalugiartiusussap internetsikkut attaveqarnissaa piumasaqaatigalugu.

Toqqaannartumik aallataatinneqarnissaanut periarfissaqarnera inissereermat akissaa qanoq annertutigissanersoq oqarasuaatikkut isumaqatigiinniarnaq ingerlanneqarpoq, isumaqatigiissutigineqarlunilu akileraarutit peereerlugit 3.500 kr. akiliutigineqassasut.

Ataatsimiinneq Najukkami ataatsimiititaliami allatsip allaffiani ingerlanneqarpoq #426-imi nalunaaqutaq 10:45. Ataatsimiinnermi peqataapput:

Hanne Heilmann (Siulittaasoq)

Hanne Heilmann (Ilaasortaq)

Malu Ostermann (Siulittaasup tullia) ataatsimiinnermi peqataanngilaq.

Ataatsimiinneq naammassivoq nalunaaqutaq: 11:58